

M140B: Mariensequenz aus Muri (B)

- 0,1 Aue uillictu marif stella.
 0,2 ein liecht der chriſtinheit MARIA.
 0,3 aller maged^en en lucerna.
 0,4 Fröwe dich gotes cella.
 0,5 beſlozenu porta.
 0,6 do du den gebere.
 0,7 d^er dich vñ aldewelt geſcöf.
 0,8 nu ſich wie reine ein vaz tv maget dō ware.
 0,9 Send^e in mine ſinne.
 0,10 d^ef himelf chvnginne.
 0,11 geware red^e fōze.
 0,12 daz ich d^enuater vñ d^en fun.
 0,13 vñ d^en uil heren geiſt geloben möze.
 0,14 Iemer maget an end^e
 0,15 mōt ane miſſewend^e.
 0,16 frōwa du haſt uerſonet daz eue zerſtörte.
 0,17 dū got uber horte.
 0,18 Nv hilf mir frōwa here.
 0,19 tröſte vñſ armen dur din ere.
 0,20 wan dich got uor allen wiben ze mōt er dachte.
 0,21 alſ dir gabriel bracta.
 0,22 Dō du in uerneme.
 0,23 wie du uon erſt ercheme.
 0,24 din uil reinv ſhame
 0,25 ir ſrach uon diſen meren.
 0,26 wie maget ane man
 0,27 iemir chint gebare.
 0,28 frōw Andir iſt wñdir
 0,29 mōt vñ maget. dar und^er
 0,30 d^er die helle brach.
 0,31 d^er lac indime libe.
 0,32 dune wrd^e
 0,33 dar umbe nie zewibe.
 0,34 Du biſt aleine d^er ſelden porte.
 0,35 ioch wrd^e dufwanger uon wortin.
 0,36 dir cham ein chint
 0,37 frōwe dur din ore.

- 0,38 dēf chrīftenin ivden vñ die hedin fint
0,39 vñdēf genadē ie waf endelof
0,40 aller megedē ein gimme
0,41 daz chint dich ime zemōt erchof.
0,42 Din wirdicheit duiſt niet chleine.
0,43 ia trōge du frōwa uil reine
0,44 daz lebende brōt
0,45 daz wafchrift felbe.
0,46 dēr finin munt zedinen bruſtin bōt
0,47 vñ dine bruſte infin hendē uie.
0,48 owe chvniginne
0,49 waz genadon got andir begie.
0,50 La mich geniezin ſwenne ich dich nemme
0,51 wanich MARIA frōwa dēf gelōbe vñ daz erchenno
0,52 daz nieman iſt gōtir
0,53 wandēr gelōbit dune ſiift dēr barguvnge mōt.
0,54 La mich ge n ezin deſie begiege
0,55 andirre welte mit dime ſune. do duin mit handen zō dir beuiege.
0,56 wol dich deſchindēf
0,57 hilf mir um in ich weiz wol frōwa daz. du in fenftin uindīft.
0,58 Dinir bette mach dir din trvvfuu frōwa niemír uirzehen.
0,59 Nubit indēf daz er mir ware rōwe mōze uerlehen.
0,60 Vñ daz ir dur dēn grimmin tot
0,61 denir leit dur die monneſ heit.
0,62 ſe an menneſlihe nōt.
0,63 Uñdaz er dur die namen drie
0,64 finir chriſtinlicher hant getat
0,65 unſ genadich indēn fundin ſi.
0,66 Hilf du mir frōwa here. ſo du ſele uon mir ſchedē
0,67 da chum mir zetrōſte
0,68 wan ich gelōbe *daz* du *ſieſt*
0,69 mōt uñ maget bedv.